



MISA CON NENOS

18 de marzo del 2018

Coresma 5º-B



Evanxeo de Xoán 12, 20-33: **“Se o gran de trigo cae en terra e morre, dá moito froito”.**

Mensaxe: 40 días CAMIÑANDO: No SEMENTADO.


Déixate SEMENTAR e darás FROITO.

1. ACOLLIDA

Irmáns e irmás:

Estamos xa no domingo último de Coresma preto xa de Ramos. Seguimos camiñando cara á pascua. Hoxe detémonos nunha seara chea de espigas de trigo. Neste último domingo, o 5º de Coresma, o Evanxeo fálanos de que Xesús se aproxima a Xerusalén e sente, e sabe, que está próxima a súa morte na Cruz. O seu corazón desbórdase e saen fóra os seus sentimentos: *“Se o gran de trigo non cae en terra e morre, queda infecundo; pero si morre, dá moito froito”*. Con estas palabras, Xesús está anunciando a súa morte próxima e o froito dela: a nosa salvación. E invítanos a ser como o gran que se entrega e se afana polos demais. É o que fixo el na cruz.

(Poderíanse colocar no presbiterio unha maceta de espigas de trigo, ou un tarro con grans. E xunto ao presbiterio un panel onde cada neno cravará nalgún momento o seu corazón vermello de papel co seu nome dicindo a coñecida oración: “Por iso quéroste tanto que che dou o meu corazón, tómao, teu é, meu non”. Logo, ao final da misa, descrávanos, cada un colle o seu e intercámbiao co outro dicindo: “Xesús quere que o noso agarimo tamén o repartamos cos demais”).



-No nome... **A graza e a paz do noso Señor Xesucristo, que se entrega por nós ata dar a vida e chámanos á conversión, sexa con todos vós.**

2. PERDÓN

Ante a Cruz que preside a nosa celebración, onde Cristo segue crucificado polos pecados dos homes, arrepenémonos dos nosos pecados.

-Polas nosas comodidades e polas nosas faltas de xenerosidade que te seguen cravando na Cruz. **Señor, ten piedade de nós.**

-Pola nosa insolidariedade e polas nosas discriminacións, que te seguen cravando na Cruz. **Cristo, ten piedade de nós.**

-Polo noso conformismo e polas nosas covardías que te seguen cravando na Cruz. **Señor, ten piedade de nós.**

3. MONICIÓN ÁS LECTURAS

O libro de Xeremías recórdanos que o Señor vai realizar unha nova alianza co seu pobo gravando as súas palabras nos corazóns. A carta aos Hebreos tráenos á memoria que Xesús, sufrindo na cruz, logrounos a salvación. O evanxeo anuncia explicitamente a súa morte na cruz ensinándonos o camiño do cristián, un camiño de servizo, de entrega, de salvación a través da cruz.



4. PETICIÓNS

Porque confiamos no amor misericordioso do Pai, dicímoslle:

R.-Convértenos a ti, Señor

- 1.- Para que o Espírito renove a súa Igrexa. **Oremos.**
 - 2.- Para que non malgastemos a vida, vivindo só para nós mesmos. **Oremos.**
 - 3.- Para que sementemos alegría, esperanza e entrega. **Oremos.**
 - 4.- Para que levemos os golpes da vida con esperanza. **Oremos.**
 - 5.- Para que nas probas nos sintamos acompañados por Xesús. **Oremos.**
 - 6.- Para que esteamos á beira dos que sofren e dos enfermos. **Oremos.**
 - 7.- Para que vivamos a Semana Santa participando nos oficios en familia e preto de Xesús. **Oremos.**
 - 8.- Para que levemos a Xesús os que se nos acheguen co desexo de velo e que o sigan. **Oremos.**
- Axúdanos, Señor, a morrer a nós mesmos para producir os froitos abundantes de amor.*

5. OFRENDAS

- GRANS DE TRIGO:** Ofrecémosche Señor, estes grans de trigo. Pedímosche que igual que eles van morrer para dar froitos, nós, tamén deamos froitos de boas obras, de servizo, de xenerosidade, como Xesús.
- CRUZ SEN CRISTO:** Tamén ofrecemos esta cruz, nela morreu Xesús por nós para quitarnos as barreiras que nos atan e facernos libres, con ela queremos ofrecer o noso compromiso de seguilo.
- **PAN E VIÑO:** E ofrecémosche tamén este pan e viño, con eles ti regaláshos a salvación, obra do teu amor entregado por nós.



6. VÍDEOS O PPW PARA ESTE DOMINGO: 5º domingo de Coresma-B.

- O gran de trigo, canción: <https://www.youtube.com/watch?v=ffe9XSXFNZY>
- Xesús anuncia a súa morte, película: <https://www.youtube.com/watch?v=P4EV1atOM68>
- Chegou a hora: <https://www.youtube.com/watch?v=yW8eo9OWPsE>
- Se o gran de trigo: <https://www.youtube.com/watch?v=7MkLYwdCBGg>
- A enfermidade, reflexión: <https://www.youtube.com/watch?v=m-tcrUjic6A>
- Sorpréndete!, reflexión: <https://www.youtube.com/watch?v=9PFuuiNGrqc&feature=autoshare>

7. SUXESTIÓNS:

-Tal como indica Fano nos seus debuxos para a Coresma 2018, pódese facer un cartel grande que se vai coloreando todas as semanas, neste caso a 5ª e engádenselle bocadillos (ver debuxo de arriba de todo á esquerda):

<https://www.diocesismalaga.es/pagina-de-inicio/2014048647/dibujos-de-fano-para-la-Coresma-2018/>

-Seguimos cantando con xestos a canción *Corenta días camiñando* do Grupo Ixcis:

<https://www.youtube.com/watch?v=WiSWRZkem5Q>

-Enviade aos vosos compañeiros por whatsapp o debuxo do lado.



-Poderíase colocar no presbiterio o cirio pascual aceso -Cristo resucitado- rodeado de velas apagadas e esta frase: *“En Coresma abandona a escuridade do mal e prende a mecha na luz de Xesús”.*

-Poderíase colocar no presbiterio unha maceta de espigas de trigo, ou un tarro con grans. E xunto ao presbiterio un panel onde cada neno cravará nalgún momento o seu corazón vermello de papel co seu nome dicindo a coñecida oración: *“Por iso quéroste tanto que che dou o meu corazón, tómao, teu é, meu non”.* Logo, ao final da misa, os descravan, cada un colle o seu e intercámbiao coa outro dicindo: *“Xesús quere que o noso agarimo tamén o repartamos cos demais”.*

-Tamén se poderían colocar grans de trigo, lentellas ou sementes de flores nun pouco de terra ou de algodón nun lugar que lle dea o sol ou teñan calor. Rega un pouco. Despois seméntaos, segue regándoos e cando comecen a agromar recorda o que Xesús dicía antes da súa morte.

-Prepara algo para o día do pai: postal, oración, poesía. Mellor feito que mercado.

-Visitar o seminario

ORACIÓN

Señor Xesucristo, o Pai envioute ao mundo para que trouxeses misericordia, e paz á humanidade que andaba en tebras, perdida e sen pastor.

E resucitado, enviaches os teus apóstolos ao mundo para que participasen da túa mesma misión de levar vida, salvación e amor a todos os pobos do mundo.

Continúa chamando e enviando evanxelizadores con Espírito, que anuncien a boa nova do Evanxeo, non só con palabras, senón sobre todo cunha vida transfigurada polo teu amor.

Necesitamos apóstolos para que os mozos sexan o rostro da misericordia do Pai, e que acompañen e sirvan humildemente o seu pobo.

Fai que sexan moitos os que con xenerosidade, acollan o don da vocación presbiteral, que se deixen formar nos seminarios e de forma permanente durante toda a súa vida, para ser bos discípulos teus, configurados totalmente a Ti, Servo, Sacerdote e Pastor, que manteñan vivo e ardente o celo pastoral, co lume do Espírito Santo, e saian a buscar os que tanto necesitan de Ti, e así te poidan encontrar e ser plenamente felices.
Amén.

Día del Seminario



**APÓSTOLES PARA
LOS JÓVENES**